



Universitätsbibliothek Paderborn

**Theologia Moralis Universa, Complectens Omnia Morum
Præcepta, Et Principia Decisionis Omnium Conscientiæ
Casuum, Suis Quæque Momentis Stabilita**

Ad usum Parochorum, & Confessariorum

Continens Tractatus De Obligationibus Specialibus Certorum Statuum, De
Sacramentis In Genere, Et In Specie, Et De Censuris Et Irregularitatibus

Antoine, Paul-Gabriel

Ingolstadii, MDXXXIV.

VD18 90392167

Articulus II. De Confessione.

urn:nbn:de:hbz:466:1-41032

TRACTATUS
ARTICULUS II.

De Confessione.

NOTA. Confessio Sacramentalis est priorum peccatorum accusatio, facta Sacerdoti legitimo Judici, ad eorum remissionem virtute Clavium Ecclesiæ obtinendam. Ejus dotes 16. recensentur his versibus.

*Sit simplex, humilis Confessio, pura, fidelis,
Atque frequens, nuda, & discreta, lubens, ve-
recunda,
Integra, secreta, & lachrymabilis, accelerata,
Fortis, & accusans, & sit parere parata.*

Q. I. An jure divino præcepta est Confessio Sacramentalis omnium & singulorum mortalium post Baptismum commissorum?

Resp. Aff. Fide constat 1. Ex Joan. 20. Quorum remiseritis peccata, remittuntur eis: & quorum retinueritis, retenta sunt. Quibus verbis Christus confert Apostolis, & eorum in Sacerdotio Successoribus judiciariam potestatem remittendi peccata, & illa retinendi, exercendam rectè & prudenter: at hæc potestas non potest rectè & prudenter exerceri, nisi auditâ priùs causâ per Confessionem nec possent peccata retineri absolute, si fideles non tenerentur comparere in eorum judicio. Unde præceptum divinum Confessionis in-

clu-

cluditur in ipsa Sacramenti institutione. 2. Ex perpetua traditione. 3. Ex Trid. sess. 14. c. 5. Universa Ecclesia semper intellectam etiam esse à Domino integrum peccatorum Confessionem, & omnibus post Baptismum lapsis jure divino necessariam existere, &c. Imò Confessio illa est necessaria necessitate medii in re vel in voto, quatenus est pars Sacramenti sic necessarii. Porrò omnia mortalia debent declarari eidem Sacerdoti, & in ordine ad eandem absolutionem, ut constat ex traditione & Ecclesiæ praxi, quæ nunc cernitur, & cuius initium cum ignoretur, ab ipsis Christi præcepto repetendum est. Et verò cum una & eadem sententia judicaria Sacerdotis, cui Christus peccata subjecit, feratur in omnia, requirit, quantum fieri potest, cognitionem omnium.

Q. 2. Quandonam hoc præceptum obligat?

Resp. Obligat per se 1. In quovis mortis periculo, ut gravi morbo, difficulti partu, navigatione periculosâ, instantे conflictu, &c. Conc. Mediol. §. sub S. Carolo. Nam alioqui homo se committeret periculo nunquam servandi tale præceptum. Deinde in mortis periculo adhiberi debent media omnia ad salutem necessaria, qualis est Confessio post lapsum in mortalem culpam. 2. Etiam sàpè per vitam extra mortis periculum: tum quia peccatur per se & independenter à mortis periculo tenetur ad poenitentiam secundum leges

Y 3

à Deo

à Deo institutas: tum quia Sacramentum pœnitentiæ à Deo institutum est non solum ad remittendum peccata commissa, sed etiam ad præcavenda & impedienda futura. Ergo Christus voluit, ut peccatores illud sapienter in vita recipierent. Præterea qui præcipit aliquid nec determinat tempus, vult illud non differri nimis diu, nec expectari tempus extremum.

Obligat verò per accidens seu ratione alterius præcepti. 1. Quoties Eucharistia sumenda est. 2. Quando est medium necessarium moraliter ad superandam tentationem aliquam, vel ad vitanda nova peccata.

*Sed an obligat statim post mortale admissum,
datā videlicet primā opportunitate?*

Resp. Plurimi negant, quia Ecclesia, quæ determinavit præceptum divinum confitendi, obligat tantum ad Confessionem annuam: & alias obligando tantum ad semel per annum confitendum, dedisset occasionem transgreendi præceptum divinum. Quare volunt posse expectari tempus Communionis Paschalis. Differre Confessionem usque ad hoc tempus (Paschæ) per se loquendo licitum est: sed per accidens potest fieri illicitum, puta si immineat aliquis articulus, in quo Confessio requiratur. ait S. Thom. quodlib. I. a. 11. & Sylvius id confirmat, quia, inquit, Cathecumeni non tenentur ad statim suscipiendum Baptismum. Imò Ecclesia olim vetuit, ne unquam Adulti extra

extra casum necessitatis urgentis Baptizaren-
tur, nisi in Vigiliâ Paschæ vel Pentecostes. Alii
cum S. Bonav. in 4. diſt. 17. q. 2. a. 2. docent
hoc præceptum obligare, quando oportunè
potest impleri moraliter loquendo, & major
opportunitas temporis loci, & Sacerdotis ad
confitendum expectari prudenter non potest;
quia præcepta affirmativa quæ per se sæpè ob-
ligant in vitâ, obligant saltem pro temporibus
ex prudenti Judicio determinandis. At obli-
gatio præcepti confitendi determinatur pru-
denter ad tempus, quo oportunè impleri
potest, & major opportunitas expectari ne-
quit. 2. Pœnitentiæ Sacramentum est reme-
diū ad peccata tollenda & præcavenda à
Christo institutum, ac præceptum. Pruden-
tia autem dicitat remedia, quæ aliquando ne-
cessaria sunt, adhibenda esse tum, cùm
adhiberi opportunius nequeunt. Dicunt au-
tem Ecclesiam non intendisse determinare a-
dæquatè omne tempus, quo præceptum divi-
num obligat per se, nec dare licentiam diffe-
rendi, sed solùm prohibere negligentiam &
dilationem ultra annum, & ideo addidisse in
suo præcepto saltem semel in anno: sicut etiam
cùm prohibet, ne quis ultra annum in excom-
municatione maneat, non dat licentiam in illâ
toto anno permanendi.

Y 4

Q 3.

Q. 3. *An ex precepto divino tenemur constiteri mortalium numerum, species, & circumstantias?*

Nota. Circumstantia moralis est affectio, seu conditio Actus humani, ad ejus bonitatem vel malitiam conducens. Circumstantiae septem recensentur hoc versu:

Quis, quid, ubi, quibus auxiliis, cur, quomodo, quando.

Aliæ mutant speciem, hoc est, dant actu novam speciem peccati: ut si percutiatur Clericus, circumstantia personæ addit injustitiam peccato malitiam sacrilegii, ob oppositionem cum religione: Huc etiam pertinent circumstantiae, quæ efficiunt peccatum mortale, quod alioqui fieret veniale, ut circumstantia Patris in contumeliâ, quæ in alium illata censeretur levis culpa: nam mortale est specie morali diversum a veniali. Aliæ verò non mutant speciem, sed peccatum intra eandem speciem notabiliter aggravant, vel minuunt, ut major vel minor quantitas mortalis, duratio, intentio, &c. Aliæ demum multiplicant peccatum intra eandem speciem, ut numerus personarum, quas læseris, &c.

Porrò circumstantia mutat speciem, cum propter illam actus habet disconvenientiam cum natura rationali & lege divina notabiliter diversam, vel oppositionem cum diversis specie præceptis aut virtutibus, vel modum op-

posi-

positionis cum eadem virtute notabiliter diversum.

Resp. I. Pœnitens jure divino tenetur confiteri distinctè omnia & singula mortalia, quoad numerum, species, & circumstantias peccati speciem mutantes; prout sunt in conscientia. Fide constat ex Trid. sess. can. 7. *Siquis dixerit in Sacramento Pœnitentie ad remissionem peccatorum necessarium non esse jure divino, confiteri omnia & singula peccata mortalia, quorum memoria cum debitâ & diligentî pœmeditatio ne habeatur, etiam occulta, & circumstantias, quæ peccati speciem mutant... Anathema sit.*

Dixi, *species*. Nam ex loco cit. omnia & singula mortalia exprimi debent. Tò *omnia* indicat *species*. Et tò *singula* *numerum*. Item circumstantiæ speciem mutantes declarandæ sunt: ergo à fortiori ipsæ *species*, propter quas illæ declarari debent. Ratio est, quia peccatum aperiendum est ob malitiam: ergo distinctæ speciæ malitiæ, etiam distinctè declarari debent.

Nota. Qui non potest determinare præcisè numerum suorum peccatorum, tenetur exprimere eorum numerum cum aliqua latitudine verisimiliore, dicendo, v.g. commisi hoc peccatum decies, plus, minus. Quòd si propter lapsuum multitudinem nequidem possit sic numerum exprimere, interrogandus est ex quo tempore talem consuetudinem habuerit, & quoties circiter per diem vel hebdomadam,

Y 5

vel

vel mensem, consueverit talem culpam admittere, ut sic, quantum fieri potest, numerus peccatorum Confessario innotescat: an non etiam aliquo tempore frequentius, alio rarius illam commiserit. Qui verò aliquandiu in aliqua mala voluntate, v. g. hominem occidendi remansit, tenetur exprimere quantum moraliter fieri potest, numerum actuum intra illud tempus iteratorum: nec satisfacit dicendo habitualiter perseveravi per mensem in voluntate occidendi, fornicandi. Quare Confessor ab eo querere debet, an & quoties singulis diebus, hebdomadis, malam illam voluntatem iterarit, & quæsierit modum illam exequendi.

Resp. II. Numerus personarum quæ sunt objectum peccati, & quantitas materia debent in Confessione exprimi: quia sunt aliquid se tenens ex parte objecti peccati, & ad illud pertinens, & constituens actum in suo esse individuali; ideoque aperiri debet, ut cognoscatur substantia actus individua; nec peccatum potest sufficienter exprimi, non expresso toto objecto. Imò numerus personarum multiplicat numerum peccatorum. Hinc declarandus est numerus personarum, quas uno actu oderis, uno actu læseris, aut occideris, vel quibus uno facto aut dicto scandalum præbueris, vel de quibus aut coram quibus uno sermone detraxeris, &c.

Resp. III. Pœnitens teneture etiam declarare circum-

circumstantias, quæ intra eandem speciem ag-
gravant notabiliter peccatum, seu malitiam
mortalem illi addunt. Suarez, Sanchez, &
ali communius. Prob. 1. ex c. Consideret de
pœnit. dist. 1. & ex Catechismo Romano, &
ex S. Carolo in Instruc^t. Confess. 2. Ex pra-
xi Ecclesiæ, quæ aliquando reservat peccata
propter circumstantiam aggravantem, ut con-
stat ex multis Pœnitentialibus, & Ritualibus
tum antiquis, tum recentioribus. Non re-
servantur autem, nisi ea, quæ sunt de necessi-
tate Confessionis. 3. Quia rationes, quas
affert Trid. sess. 14. c. 5. pro obligatione con-
fundi circumstantias speciem mutantes, ni-
mòrum. quod sine illis peccata ipsa, neque à pœni-
tentibus integre expónantur, nec judicibus inno-
tescat; Et fieri nequeat, ut de gravitate criminum
rectè censere possint, Et pœnam, quam oportet pro
illis, pœnitentibus imponere: valent etiam pro
circumstantiis aggravantibus: Unde Trid.
implicitè & virtualiter docet illas aperiri de-
bere: nam sine his neque peccatum integrè
exponitur, nec innotescit Sacerdoti, cùm sup-
primatur malitia mortalis, quam illæ addunt,
& per quam peccatum sit virtualiter ac & qui-
valenter duplex numero vel triplex. Neque
etiam Sacerdos potest sine illis rectè censere
de peccatorum gravitare, nec pœnam pro-
portionatam imponere, cum non cognoscat
gravitatem malitiæ mortalem, quam pecca-
tum habet ex circumstantiâ, ob quam est mul-
tò ma-

tò majori pœnâ dignum; & quæ notabiliter variat judicium Confessoris. Igitur rectitudo & æquitas judicii illius a Christo requisita, circumstantiæ aggravantib; Confessionem exigit.

Dices. Si hoc ita esset, Trident. id definisset expressè. R. N. Quia Conc. voluit solum damnare expressè errores Hæreticorum, contra quos ejus doctrina est accurata. Sed in illorum damnatione multa docuit, ex quibus colligitur quid sit sentiendum, circa quæstiones inter Catholicos controversas, licet eas expressè definire noluerit.

Not. Pœnitens debet etiam declarare circumstantias necessarias ad cognoscendum suum statum, suam dispositionem & necessitatem spiritualem, ut si sit implicatus consuetudine peccandi, vel in occasione peccati versetur: nam hæc cognitio necessaria est Confessario Medico ejus spirituali, ut remedia apta suggerat.

Resp. IV. Pœnitens tenetur etiam declarare circumstantias notabiliter inuenientes gravitatem peccati, sive efficiant, ne peccatum sit mortale, sive ne mortale habeat novam malitiam mortalem: quia alioqui Confessor deciperetur in re gravi, & non posset rectè judicare de gravitate peccati, & pœnæ imponendæ.

Not. Peccata debent sic aperiri, ut Confessor ea intelligat: nam ex Trid. Deus iubet pec-

peccata declarari eo modo, quo Sacerdos pos-
sit de iis rectè judicare, & satisfactionem con-
venientem, ac remedia opportuna præscribe-
re. Et sic præcipitur Confessio, quæ à Sacer-
dote distinctè intelligatur: alias inanis esset.
Quare si intelligas Confessorem ob distractio-
nem, vel surditatem, vel quamlibet aliam cau-
sam, non percepisse aliqua peccata prout illa
nōsti, teneris illa repetere. Quod si nescias
quænam sint illa, debes Confessionem totam
repetere, cum de singulis prudenter possis du-
bitare?

Q. 4. *An actus externus exprimi debet?*

Resp. Aff. Prob. 1. ex communi sensu Do-
ctorum, & praxi fidelium. 2. Actus externus
facit moraliter cum actu interno unum actum
completum, & unum peccatum totale, & re-
ipsa prohibetur per legem. Christus autem
voluit explicari totum peccatum completum
in genere moris. 3. Sine Confessione actus
externi, non satis declaratur actus interni effi-
cacia, intentio, extensio, duratio, nec proinde
tota ejus gravitas innotescit. 4. Nisi declare-
tur actus externus, Sacerdos non potest, ut
par est, fungi officio suo: nam non satis co-
gnosceret statum penitentis, quæ remedia
danda, quæ satisfactiones vel obligationes
imponendæ essent: nam actus externus ob-
noxius est censuris, irregularitati, & variis ob-
ligationibus, quibus immunis est actus merē
inter-

internus. 5. Actus externus scandalum patit, non internus. 6. Alex. VII. damnavit hanc propos. Qui habuit copulam cum soluta, satisfacit Confessionis precepto dicens, commisi cum soluta grave peccatum contra castitatem, non explicando copulam.

Q. 5. An exprimi debet effectus malus, qui ex actu externo secutus est?

Resp. Aff. Quia talis effectus sequitur ex actu externo liberè posito, & meritò imputatur ad culpam ei, qui causam liberè posuit, & in quā fuit prævisus, vel prævideri potuit. Deinde pertinet quodammodo ad objectum peccati, estque liber & malus à libertate & malitia voluntatis, à qua procedit. Adde quod ejus declaratio sèpè necessaria est, ut Confessor cognoscat statum pœnitentis, & an contraxerit aliquam Censuram, vel irregularitatem, vel obligationem restituendi, &c. Hinc qui propinavit alteri venenum, ex quo mors secuta est, tenetur declarare, mortem inde fecutam esse.

Q. 6. An pœnitens aliquando tenetur detegere in Confessione Complicem?

Not. Constat id non licere, si pœnitens possit aliter peccatum suum sufficienter exprimere; vel sine gravi incommodo possit adire Confessarium, cui complexus sit ignotus; vel peccatum alias sit rite Confessus, & tunc faciat

Con-

Confessionem generalem: quia in his casibus
sine justâ causâ proximum infamaret, quod
nunquam licet. Quare Confessor tenetur
prohibere pœnitentem, quem animadverit
adid paratum esse, & arguere, cùm revelat
peccatum alterius sine justâ causâ. Item pœ-
nitens debet per aliquod tempus, si commode
potest, d'fferre Confessionem, ut habeat alium
Confessarium, cui complex sit ignotus, nisi
urgeat præceptum confiteñdi, vel communi-
candi. Non tamen tenetur differre per lon-
gum tempus, præsentim si sit in peccato mor-
tali, vel si omissione cum aliqua nota foret, vel
interruptio Communionis ei gravis esset, quæ
dilatio ex prudenti judicio definienda est.

Resp. Pœnitens tenetur manifestare Com-
plicem, seu socium criminis, dum aliter non
potest peccati proprii speciem, vel gravitatem
mortalem aperire, nec potest differre commo-
de Confessionem, nec adire Confessarium cui
complex ignotus sit. Ita S. Bernard. de forma
honestæ vitæ, S. Thom. Bonav. & Antonin.
Suarez, Vasquez & alii. Quia i. ex Trid. sess.
14. c. 5. Christus integrum peccatorum Con-
fessionem secundum suas species, & totam
suam gravitatem mortalem universaliter præ-
cepit. Ergo ad eam tenetur pœnitens, non
obstante infamiâ sive propriâ, sive alterius,
quæ per se apud eundem Confessorem sequi-
tur ex Confessione necessaria: nam qui vult
aliquid, illud vult etiam non obstante incom-
modo,

modo, quod per se ex eo sequitur, vel ei con-
junctum est. Et verò pœnitens ad integrata-
rem illam tenetur cum propria infamia; ergo
& cum infamia alterius, cum ejus peccati de-
claratio necessaria est ad integrè proprium
confitendum: nam ex natura rei plus requi-
ritur ad obligandum aliquem, ut seipsum infam-
met, quam ad obligandum ut alterius crimen
aperiat; aliquando enim possum patefacere
crimen alienum, ad vitandum aliquid malum
meum temporale injustum, licet ideo non ob-
liger ad crimen meum detegendum. 2. Ratio
propter quam ex Trid. cit. Christus præcepit
integralm peccatorum Confessionem, scilicet
ut Sacerdos possit prudenter judicare, punire,
curare, &c. non minùs probat integritatem
Confessionis fieri debere cum notitia Com-
plicis ad hos fines necessaria, quam cum pro-
priâ infamia Pœnitentis. Præterea inter Chri-
stianos Complex suo facto tacite renuntiat
juri, quod habet ad servitudinem famam, sciens
necessitatem confitendi peccata.

Hinc pœnitens, qui cum unica sorore sua
nota Confessario commisit incestum, tenetur
confiteri incestum in tali gradu. In eadem hy-
pothesi pœnitens tenetur detegere personam,
quæ fuit objectum peccati licet inculpabiliter,
ex quo tamen in illam redundat aliqua infamia
apud Confessarium, ut si quis sorori quamvis
omnino invitæ & reluctanti stuprum intulisset.
Nam h̄c eadem ratio valet, præceptum enim
inte-

integritatis Confessionis obligat Pœnitentem ad detegendum defectum aliquem occultum proprium infamem, licet inculpabilem, si id necessarium sit ad exprimendum sufficienter suum peccatum, ut si occulte illegitimus sit, & sine dispensatione susceperit Ordines.

Observ. Licet etiam patefacere Complicem, quando hoc necesse est, ut media idonea suggestantur Pœnitenti, quibus à proxima occasione peccati liberetur, vel ut Pœnitens doceatur, qua ratione satisfacere possit obligationi Justitiae, aut caritatis, quā tenetur avertire grave malum imminens communitati, vel complici, vel alicui tertio. *Quia* tu h^c subest rationabilis causa detegendi; & quia alteri aperire peccatum occultum proximi extra Confessionem notum, non est malum, nisi dum sit sine iuxta ac rationabili causa, velex intentione illum infamandi.

Q. 7. *An peccata dubia debent aperiri in Confessione?*

Resp. Aff. Si dubium sit cū fundamento, sive dubites an mortaliter peccaveris, sive an confessus fueris peccatum, quod certò scis esse mortale. Ita Suarez, Sanchez, De Lugo, Valent. &c. Et videtur communis sent: Prob. 1. Ex sensu & praxi fidelium, cuius initium dignosci nequit: quare ab ipsis Apostolis à Christo vel Spiritu S. edoctis manavit. 2. Ex ipsanaturā Sacramenti per modum Tribunalis

Tom: III.

Z.

insti-

instituti, in quo cùm Christus constituerit Sacerdotes tanquam Vicarios Dei pro remissione peccatorum obtainenda, voluit, ut ea omnia peccata ad eos deferrentur, pro quibus præcepta erat Contritio perfecta, qualia sunt non solum mortalia certa, sed etiam dubia. 3. Non confitendo illa, exponit se periculo non confitendi omnia mortalia, contra præceptum divinum. 4. Possessio stat pro lege confitendi, à qua Trid. sola venialia excipit. 5. Ex Trid. peccata, quæ sunt in conscientia debent declarari; at dubia, ut dubia sunt in conscientia, & remitti debent saltem ut dubia, & proinde cognosci ut talia. Porro lex Confessionis non est odiosa, sed favorabilis, cùm sit à Christo instituta ad salutem animarum, & ad peccata commissa delenda, ac futura præcavenda.

Obseru. 1. Peccata dubia declaranda sunt ut dubia, sicut certa ut certa. 2. Qui mortale ut dubium confessus est, si postea certò norit illud à se commissum esse tenetur iterum illud confiteri ut certum; quia ex institutione Christi Pœnitens tenetur omnia mortalia confiteri prout sunt in ejus conscientia, & eo modo, quo Sacerdos rectè censere possit de eorum gravitate, & pœna convenienti imponenda. Econtra qui peccatum ut dubium Confessus est, quod postea cognoscit se non commisso, non tenetur in sequenti Confessione id aperire; quia carentia peccati non est materia Confessionis. 3. Qui non habet pec-

peccata nisi dubia, tenetur confiteri peccatum aliquod certum, saltem veniale, licet antea remissum, ne exponatur Sacramentum periculo nullitatis.

Q. 8. *An peccata mortalia ex oblivione, vel ob justam aliam causam omissa, debent declarari in sequenti Confessione?*

Resp. Aff. Quia 1. ita generalis fidelium persuasio, & praxis. 2. Ex Trid. sess. 14. can. 7. necessarium est jure divino confiteri omnia & singula mortalia post Baptismum commissa, quorum memoria habeatur. 3. Ex S. Thom. in 4. dist. 2 t. q. 2. a. 2. ad 1. quodlibet mortale debet subjici sententiæ Sacerdotis, ut pro eo imponat satisfactionem convenientem. 4. Alex. VII. damnavit hanc propos. *Peccata in Confessione omissa seu oblita ob instans vitæ periculum, aut ob aliam causam, non tenemur in sequenti Confessione exprimere.*

Item qui tantum confusè & genericè mortalia peccata Confessus est, eò quod distinctum eorum numerum & speciem non recordaretur, tenetur posteà in sequenti Confessione, si recordetur, eorum numerum distinctum & speciem confiteri. Quia est præceptum divinum confitendi distinctè omnia & singula mortalia quoad numerum & speciem, quod nondum talis observavit;

Q. 9. *An qui aliquam circumstantiam in Confessione aperiendam oblitus est, tenetur postea confiteri iterum peccatum, ad quod illa circumstantia pertinet?*

Resp. Aff. Si tota malitia hujus circumstantiae nequeat exprimi sine declaratione peccati: quia tunc hujus declaratio per se necessaria est ad circumstantiam aperiendam.

Q. 10. *Quænam integritas ad valorem Sæcundum Sacramenti requiritur?*

Not. Duplex distinguitur Confessionis integritas, materialis, & formalis. Confessio materialiter integræ, est accusatio omnium omnino mortaliū commissorum quoad numerum, species, & circumstantias declarandas. Confessio formaliter integræ est accusatio eorum duntaxat mortaliū, quæ pœnitens potest & debet declarare in iis circumstantiis in quibus versatur.

Resp. I. Per se loquendo integritas Confessionis ad valorem Sacramenti requisita exigit, ut quantum moraliter fieri potest, declarantur 1. Omnia peccata mortalia tam occulta & interna, quam externa & publica, etiam si aliunde essent nota Confessario; neque enim notitia Confessarii sed Confessio Pœnitentis est pars Sacramenti. 2. Eorum numerus. 3. Omnes species morales. 4. Omnes circumstantiae, tum quæ speciem mutant, tum quæ solum addunt malitiam mortalem ejusdem speciei.

speciei. 5. Ipsius actus externi, & effectus mali ac damna inde secuta. 6. Peccatum Compli-
cis, & persona, quæ fuit objectum peccati,
dum aliter proprium peccatum sufficienter
exponi nequit. 7. Omnia mortalia dubia.
Prob. quia, ut probavi, horum omnium decla-
ratio præcepta est à Christo, qui instituit Sa-
cramentum Pœnitentiæ per modum judicii
reconciliativi & punitivi, in quo videlicet non
solum reus absolvatur, sed etiam convenien-
ter puniatur, & contra relapsum præmunia-
tur. Talis autem judicij rectitudo & æquitas
exigit cognitionem adæquatam causæ, quan-
tum moraliter haberi potest.

Hinc qui sine justa causa aliquod mortale,
vel circumstantiam necessariam scienter celat,
facit Confessionem nullam & sacrilegam; ex
Trid. cap. 5. ibi: *Qui scienter aliqua retinent,*
nihil divinæ bonitati per Sacerdotem remittendum
proponunt. Quare non solum illud mortale
sacrilegium, sed etiam omnia alia mortalia quæ
confessus, est tenetur iterum sigillatim confi-
teri: nam ex præcepto Christi omnia peccata
subjici debent validæ absolutioni.

Resp. II. Integritas materialis non requiritur
absolutè: quia sæpe est impossibilis cognitio
omnium omnino mortalium, etiam post dili-
gens examen. At ex Trid. cap. 5. *impium est*
Confessionem, quæ præcipitur, impossibilem dicere,
aut carnificinam conscientiarum appellare.

Resp. III. Absolutè sufficit integritas forma-

lis: quia Confessio formaliter tantum integra, est ea in quâ ex gravi justâ causâ, vel oblivione inculpabili omituntur aliqua peccata. Attalit Confessio sufficit: nam secundum Doctores omnes variæ sunt causæ justæ excusantes à Confessione omnium mortalium, quæ generatim ad impotentiam physicam & moralem revocantur: quia Christus noluit, ut Sacramentum pœnitentiæ institutum in gratiam indulgium lapsorum, & ut medium ad justificationem necessarium, foret illis non solum absolute, sed etiam moraliter impossibile, obdamnum aliquod valde grave Confessioni extrinsecum.

Hinc à Confessione integra materialiter excusantur. 1. Qui ex oblivione inculpabili, vel ignorantia invincibili aliquod mortale omittunt. 2. Muti si per gestus, scripturam, vel alia signa nequeant omnia declarare. 3. Qui versantur in periculo moriendi ante absolutionem, nisi mox detur, nunc etiam auditis aliquot absolvendi sunt. 4. Cum in naufragii periculo imminenti, vel instantे pugna nequeunt omnes integrè confiteri; tunc sufficit Confessio confusa, quâ omnes simul significent se peccasse, dolere de peccatis, & velle absolvi. Imò tunc poterunt simul absolvi, si necesse sit per hanc formulam, *Ego vos abservo ab omnibus censuris & peccatis.* Sitamen unusquisque potest saltem aliquod peccatum in particulari confiteri privatim, ad id tenetur,

§. li.

5. Ii, quorum idioma non nisi ex parte intel-
ligi potest à Confessario, si nequeant alteri
confiteri, sitque necessitas confitendi, vel jux-
ta aliquos urgeat præceptum annuæ Confe-
ssionis. 6. Sacerdos, dum peccatum suum
confiteri nequit absque fractione sigilli Confe-
ssionis. 7. Quicumque confiteri nequit
aliquid peccatum sine gravi damno Confe-
ssioni extrinseco temporali, vel spirituali, sive
proprio, sive etiam alieno: nam lex charitatis
obligat ad diligendum proximum sicut nos
ipsos, & proinde ad vitandum ejus damnum;
ut si prudenter timeas ne Confessarius, qui
solus haberi potest, frangat sigillum, vel ex
tua Confessione sumat occasionem peccandi,
vel graviter nocendi proximo. Sed tunc re-
quiritur justa causa confitendi h̄ic & nunc tali
Confessario, ut præceptum confitendi vel ne-
cessitas celebrandi aut communicandi ad vi-
tandum grave scandalum, aut infamiam; alio-
qui adeundus est aliis Confessor, vel differen-
da Confessio, si commodè differri queat. Item
si infirmi vires periclitentur, in accuratori
peccatorum declaratione; vel si integra Confe-
ssio laborantis morbo valde contagioso à
longè audiri nequit, nec prope sine periculo
proximo mortis Confessoris, tunc auditio uno
aut altero peccato potest absolvī. At magnus
populi concursus, die indulgentiæ vel festi-
tatis magnæ ut Paschatis, per se præcisè non
excusat ab integritate Confeſſionis: quia tunc

Z 4

non

non adest sufficiens necessitas dimidianda Confessionis; & maximi inde abusus ac magna incommoda orirentur. Hinc Innoc. XI. damnavit hanc propos. *Licet Sacramentaliter absolvere dimidiate confessos ratione magni concursus pœnitentium, qualis, v. g. potest contingere in die alicujus magnæ Festivitatis, aut indulgentiæ.*

Dixi, *Confessioni extrinseco*, nam incommodum Confessioni velut intrinsecum, seu natum sequi ex ipsâ Confessione, ut confusio pœnitentis, vel jactura bonæ opinionis apud Confessarium, &c. non excusat: alias nullum esset præceptum Confessionis, nec per se obligaret.

Q. II. *An pœnitens tenetur diligens examen præmittere Confessioni?*

Resp. Aft. Prob. 1. ex Trid. sess. 14. cap. 5. dicente præcipi Confessionem omnium mortalium, quorum post diligentem sui discussionem conscientiam habent... Ex à pœnitentibus exigi, ut postquam quisque diligentius se excusserit, conscientiæ suæ sinus omnes, Ex latebras exploraverit, ea peccata confiteatur, quibusse Dominum mortaliter offendisse meminerit. 2. Qui præcipit actum, simul præcipit etiam media ad illum necessaria. At diligens examen est necessarium ad confitenda omnia peccata. Ea autem diligentia adhiberi debet, quam in rebus gravissimis ponere solemus, ait Catechism. Roman. & quæ moraliter sufficiat

ciat ad cognoscenda peccata commissa, consideratis capacitate, & memoriâ pœnitentis, diuturnitate temporis ab ultimâ validâ Confessione transacti, multitudine & qualitate negotiorum, obligationum, occasionum, & consuetudine peccandi, aliisque circumstan-
tiis. Quare non æquale in omnibus requiri-
tur examen, sed in aliis brevius, in aliis lon-
gius.

Q. 12. Quandõnam iterari debet Confessio?

Resp. Quoties fuit nulla, sive culpabiliter,
sive inculpabiliter; sive ex parte pœnitentis
defectu doloris, vel propositi sufficientis, in-
tegritatis formalis, vel ob notabilem negli-
gentiam in excutienda conscientia, nisi Con-
fessor eam suppleverit: sive ex parte Confessa-
rii defectu potestatis aut intentionis requisi-
tæ: quia in his casibus Sacramentum fuit nul-
lum, & sic peccata non fuerunt per illud re-
missa. Omnia autem peccata mortalia de-
bent subjici potestati clavium & remitti per
Sacramentum Pœnitentiæ, ideoque per Con-
fessionem, & Contritionem debitam & ab-
solutionem validam. Idem dic si dubium sit
an Confessio irrita fuerit; nam præcepto cer-
to non satisfit per dubiam executionem, & in
dubio pars tuiore eligi debet.

*Sed an is qui fecit Confessionem aliquam inva-
lidam, tenetur cum illa omnes subse-
quentes iterare?*

Z. 5.

Resp.

Resp. Tenetur, si eas fecit cum conscientia Confessionis invalidæ, quia reverâ sunt omnes invalidæ, ob defectum essentiale. At si post unam Confessionem invalidam, postea fecit alias cum debita dispositione, & bona fide procedens, præcedentis defectus nullam habens memoriam: non tenetur, inquit Sylvius, has repetere, sed solum illam, vel illas, quas fecit cum conscientia defectus: quia illæ alias fuerunt validæ, cum haberint omnia necessaria ad bonam Confessionem.

Q. 13. An est mortale mentiri in Confessione?

Resp. I. Mortale sacrilegium est omne mendacium in materia Confessionis necessaria, ut si pœnitens falsò neget se commisso mortale nondum legitimè confessum, vel circumstantiam necessariam: vel si neget aliquid aliud grave, quod interrogatus à Confessario tenetur aperire, qualis est peccandi consuetudo, dispositio præsens, &c. Nam tunc in re gravi ad Sacramentum, vel ejus rectam administrationem pertinente decipit Judicem suum, & Medicum à Christo institutum, ut secundum cognitionem per Confessionem partam, & poenas peccatis proportionatas imponat, & remedia opportuna præscribat. Idem dic, si contra conscientiam falsò afferat se commisso mortale: quia judicem suum, in re gravi ad judicium Sacramentale pertinente & necessaria decipit, & per illam additionem

tionem in re gravi ejus judicium pervertit. Se-
cūs, si verum putat. Item mortaliter peccat,
qui in Confessione generali falsò afferit se jam
peccata aliqua mortalia confessum fuisse: quia
in re gravi & necessaria decipit Confessarium,
qui putat mortalia illa jam declarata & remissa
fuisse, nec jam esse materiam necessariam Sa-
cramenti; unde non potest prudenter pœnam
convenientem pro illis statuere; nam non ea-
dem pœna pro peccatis mortalibus nondum
Sacramento remissis, quæ pro peccatis sic
jam remissis imponi debet.

Resp. II. Mendacium in materia non neces-
saria, hoc est, quam non teneatur sub morta-
li confiteri, ut sunt peccata venialia, vel mor-
talia jam legitimè Confessa & remissa, quo-
rum cognitio non est necessaria ad rectè ad-
ministrandum Sacramentum, est ex commu-
ni solùm venialis. Quia tunc non decipitur
graviter judex in ordine ad debitum judicium,
cum materia non sit necessaria, nec spectet ad
substantiam judicii necessarii. Est tamen venia-
le gravius ob irreverentiam Sacramenti. Eset
autem mortale, si aliunde non daretur materia
valida Sacramenti, nam tunc irrita redderetur
absolutio.

Q. 14. *An peccata Venialia sunt materia suffi-
ciens Confessionis, licet non necessaria?*

Resp. Aff. Ita Trid. sess. 14. cap. 5. *Venialia
quamquam rectè & utiliter, citrāque omnem pre-
sum-*

sumptionem in Confessione dicantur, quod piorum hominum usus demonstrat, taceri tamen citra culpam, multisque aliis remedii expiari possunt. Nam Christus dedit Sacerdotibus potestatem remittendi generatim omnia peccata, quæ remitti possunt, Jo. 20. Quorum remiseritis peccata, remittuntur eis. Porro extra casum necessitatis non sunt confitenda venialia tantum in genere, sed debet aliquod addi in specie, v. g. aliquod mendacium, tum quia est contra proximi fidelium; tum quia accusatio & iudicium per se loquendo fieri debent circa materiam in specie determinatam. Ita Suarez, & alii communius.

Q. 15. *An quævis peccata jam remissa per Absolutionem, sunt semper materia sufficiens nove Confessionis?*

Resp. Aff. *Communis & certa sententia est,* inquit Suarez. Prob. 1. ex extravag. Benedict. XI. de Privil. ubi ait eadem peccata iterato confiteri salubre esse. 2. Quia peccata jam remissa possunt esse materia Contritionis & Confessionis, atque possunt adhuc remitti remissione priorem confirmante per novam gratiam; & Christus remittendi potestatem non restrinxit ad unum actum remissionis, propter majorem utilitatem animarum. 3. Ex piorum ac Doctorum hominum usu Ecclesiæ noto, nec reprehenso: quæ probatio valet, nam hanc adhibet Trident. sup. citat.

ad

ad probandum valorem Confessionis veniali-
um.

Not. Confessor dubitans an ea, quæ Pœni-
tens confitetur, sint peccata etiam venialia,
non potest eum absolvere; quia non licet ap-
plicare formam materiae dubiae, alioqui expo-
neretur Sacramentum periculo nullitatis: sola
autem peccata sunt materia remota Pœnitentiæ:
quare ut detur materia certa, curare de-
bet ut Pœnitens confiteatur peccatum certum
jam alias remissum; & illud in Contritione
includat.

Q. 16. An Confessio necessariò fieri debet voce?

Resp. I. Id non est de essentia Sacramenti,
sed Confessio potest validè fieri, nutibus, ge-
stibus, vel scripto, si desit facultas loquendi.
Constat 1. ex praxi Ecclesiæ, quæ mutos, &
moribundos vocis usu destitutos per nutus,
vel alia signa confitentes absolvit: & ex Ri-
tuali Romano docente moribundum vocis
usu destitutum absolvendum esse. 2. Quia
Christus solum præcepit Confessionem, quâ
peccata declarentur Sacerdoti ut judici: quod
sufficienter fieri potest per nutus, vel Scriptu-
ram.

Resp. II. Non licet absque necessitate aliter
quam voce confiteri. Constat 1. ex com-
muni TT. consensu. 2. Ex consuetudine
Ecclesiæ vim legis obtinente, & obligante
graviter, ut potè respectante ad convenien-
tem

tem modum perficiendi Sacramentum: nam verba sunt aliis signis longè aptiora ad significandum, & ex S. August. tenent in significando principatum. 3. Ex Florent. requirente Confessionem oris, & ex Benedicto XI. in Extrav. *Inter cunctas de Privil.* ibi: nisi articulus necessitatis occurrat, Sacerdoti facienda oris Confessio exigitur. Etverò alia signa non sunt inducta, nisi in supplementum verborum vocalium.

Resp. III. Qui voce non potest, tenetur aliis signis, etiam scripto, confiteri, etiam extra mortis periculum. Quia præceptum confitendi, obligat saltem, cum sine gravi damno Confessioni extrinseco observari potest. At hic modus confitendi nullum damnum saltem grave affert. Neque Scriptura est per se instrumentum publicationi obnoxium, & potest statim comburi vel lacerari.

Q. 17. *An excusatū à Confessione, qui confiteri nequit nisi per interprētem?*

Not. Ex Trid. sess. 14. c. 5. neque est necessarium jure divino, ut Confessio publicè fiat, sed valet Confessio secreta & auricularis; neque à Christo prohibitus modus publicè confitendi. Unde ex communi valet Confessio sive secreto, sive publicè fiat; nam ad valorem Sacramenti solum requiritur accusatio peccatorum facta Sacerdoti ut judici: hac autem potest esse utroque hoc modo.

Resp.

nam
gnifi-
can-
rente
nEx-
iculus
oris
n sunt
n vo-
r allus
extra
confi-
amho
. At
Saltem
se in-
potest

nfilteri

est ne-
publice
laris;
publice
Con-
am ad
ccusa-
hac

Resp.

Resp. Multi docent neminem ex vi præcepti Confessionis obligari ad confitendum per interpres, licet rectè possit, eò quod Christus nos non obligarit ad declaranda peccata, nisi soli Sacerdoti absolutionis Ministro; nec ex Trid. less. 14. c. 5. Christus præcepit ut peccata declararentur publicè, id est, coram aliis. Præterea Conc. Later. 4. præcipit solum ut Pœnitens omnia sua solus peccata confiteatur Sacerdoti.

Tamen S. Thom. in 4. dist. 17. q. 3. a. 4. q. 3. Postquam dixit: *In eo qui usum linguae non habet, sicut mutus, vel qui est alterius linguae, sufficit quod per Scriptum, aut nutum, aut interpres, confiteatur, quia non exigitur ab homine plus quam possit.* Ait generatim: *Quando non possumus uno modo, debemus secundum quod possumus confiteri.* Certè ad id tenemur saltem ex præcepto charitatis propriæ, si alioqui diu abstinentium esset à Confessione: quia tunc periculum esset diu permanendi in peccato, cum difficile sit, nec ita frequens habere Contritionem perfectam; hæcque obligatio maximè urget in periculo mortis, ubi tenemur omnia media tutiora adhibere ad salutem consequendam. Non pauci autem dicunt sufficeret tunc confiteri per interpres aliquod dunt taxat peccatum, accusando se de cœteris in generali: nam *integra* peccatorum Confessio, præcepta est, dum moraliter fieri potest soli Sacerdoti. Sed De Lugo docet præceptum

divi-

divinum obligare ad confitendum in articulo mortis omnia mortalia per interpretem, eo quod manifestatio peccati apud duos sigillo obstrictos non sit detrimentum ita grave, ut propter illud præceptum divinum confitendi omnia mortalia prorsus omittatur, & non tantum differatur. Neque talis Confessio potest censeri publica, sicut neque est publica Confessio quâ idem peccatum reservatum manifestatur Superiori, & inferiori. Additque ob eandem rationem nos teneri in articulo mortis confiteri omnia mortalia, etiamsi sciremus Sacerdotem aliquid revelatum alteri, si nullum aliud malum timeatur, nisi meritoria peccati manens in uno alio, qui taliorum in nullius præjudicium possit uti. Ethoc puto servandum in præxi.

Q. 18. *An Confessio Sacerdoti præsentis necessarii fieri debet?*

Resp. Aff. Prob. 1; ex usu totius Ecclesiaz. 2. Ex Tridentino sess. 14. c. 2. Christus eos, qui se post Baptismum crimen aliquo contaminarunt, ante hoc Tribunal (Sacramenti Pœnitentiae) tanquam reos sisti voluit. Ergo ex institutione Christi ad validam absolutionem requiritur, ut Pœnitens coram Sacerdote judece sistatur, & personaliter compareat. 3. Quia ante absolutionem per se loquendo nescisse est, ut Sacerdos expendat causam, ac præsentem dispositionem Pœnitentis; & de ejus statu ac debitâ dispositione prudenter ju-

Dicit;

dicet; quod in absentia fieri nequit. 4. Ex Decreto Clementis VIII. dato an. 1602. quo hanc propositionem scilicet, *licere per litteras seu internuntium Confessario absenti peccata sacramentaliter confiteri, & ab eodem absente absolutionem obtainere, ad minus uti falsam, temerariam. & scandalosam damnavit, ac prohibuit.* Quod intelligendum est non solum conjunctim, nempe quoad Confessionem & Absolutionem simul, sed etiam divisim nempe quoad alterutram, ut postea declaravit ipse Clemens, & Paulus V.

Q. 19. *Quænam observanda sunt circa præceptum Ecclesiasticum Confessionis?*

Resp. Sequentia 1. hoc præceptum obligat omnes fideles adultos ad confidendum saltem semel in anno, ex Concil. gener. Later. 4. c. 21. ibi: *Omnis utriusque sexus fidelis, postquam ad annos discretionis pervenerit, omnia sua solus peccata saltem semel in anno fideliter confiteatur proprio Sacerdoti.* Idque sub mortali, ut patet tum ex gravitate materiæ, tum ex pœna adjuncta; *Alioquin & vivens ab ingressu Ecclesiæ arceatur, & moriens Christianâ caret sepulturâ.* Nomine proprii Sacerdotis intelligitur quidem Parochus, sed sine exclusione Episcoporum & Sacerdotum ab iis delegatorum. Nam Episcopi eandem & longe majorem jurisdictionem habent in Parochianos, suntque Pastores ipsorum Parochorum:

Tom. III.

A a

qua-

quare hic Canon intelligitur salvo jure Episcoporum.

2. Præcipitur Confessio valida, Sacramentalis, & apta ad reconciliationem cum Deo, ideoque per absolutionem validam terminata: nam ex Trid. cap. 5. Ecclesia id præcipit, ut Præceptum divinum Confessionis saltem semel in anno impleretur: ac proinde non aliam Confessionem præcipit, quam Deus: at Deus præcipit Confessionem validam, ac dolorosam, quam sequatur absolutio. Hinc Alex VII. damnavit hanc propos. Qui facit Confessionem voluntariè nullam, satisfacit præcepto Ecclesiæ.

3. Qui toto anno Confessionem omisit, tenetur confiteri primâ die anni sequentis, si potest, aut primâ datâ opportunitate, & continuè donec impleverit: alioqui peccat deinceps, & toties quidem quoties potest commodè confiteri, & omittit: nam Ecclesia absolute præcipit Confessionem annuam, priuariò propter se prohibetque ejus dilationem ultra annum: ita ut annus designetur non ad finiendam, sed ad sollicitandam obligationem jure divino impositam, & ut terminus ultra quem non differatur Confessio, & ultra quem remaneat obligatio; ut patet ex his verbis Conc. Trident. *Saltem semel in anno;* lex enim Ecclesiæ lata fuit, ut fideles non nimium different observationem præcepti divini. Ergo qui elapso anno statim non confitetur,

violat

violat præceptum, & continuè tenetur confiteri, perindè ac qui non solvit censum annum solvere continuè tenetur transacto anno.

Item ex vi hujus præcepti tenentur fideles anticipare Confessionem in quâvis parte anni, si prævideant fore ut omissâ illâ occasione nequeant posteà toto illo anno confiteri, v. g. ex longâ navigatione, vel peregrinatione, per terras infidelium: quia hoc præceptum non terminatur ad finem anni, sed obligat ad confitendum saltem semel in anno: quæ obligatio currit toto anno, ideoque in illo compenda. At si homo positus in illa occasione non confiteatur statim, non implebit præceptum in anno, seu obligationem annuam.

4. Quamvis hoc præcepto certum anni tempus confitendi non statuatur, tamen consuetudo invaluit confitendi intra Quadragesimam, vel Quindenam Paschalem approbata à Trid. Quare juxta multos annus pro servando hoc præcepto computatur ab una Quindenam Paschali ad aliam, & ita fert fidelium praxis; & reipsâ solum eo tempore Pastores Confessionem à fidelibus exigere solent.

5. Pœna Interdicti à Conc. Later statuta in omittentem annuam Confessionem, vel Paschalem Communionem, est solum sententiæ ferendæ, uti verba indicant. Quare ad eam imponendam requiritur auctoritas Ordinarii, cum Parochi careant jurisdictione in foro externo.

Sed antenentur hoc præcepto, quisolius cu' pe-
nialis sibi consciijunt?

Resp. Multi negant: quia 1. Conc Later. & Trident. præcipiunt Confessionem omnium peccatorum, ergo non loquuntur de venialibus. 2. Ex Trident. sess. 14. c. 5. Ecclesia solum statuit, ut divinum præceptum Confessionis saltem semel in anno ab omnibus observaretur: at præceptum divinum non obligat ad confitendum venialia, ex eod. cap.

Affirmant Richard. Alensis, S. Bonav. Sylvest. Fagnan. & aliqui recentiores: quia aliqui minæ Interdicti per Canonem intentatæ inutiles forent, nam fideles causarentur se sibi non esse conscos mortalium: undè ut præceptum divinum ab omnibus religiosè servaretur, Ecclesia præcepit, ut omnes & singuli licet sibi solorum venialium consciij, semel in anno confiterentur.

S. Thom. hanc opinionem ita amplectitur, ut oppositam non rejiciat, nam in q. dist. 17. q. 3. a. 1. q. 3. ad 3. sic ait: *Dicendum quod ex vi Sacramenti non tenetur aliquis venialia confiteri, sed ex institutione Ecclesie, quando non habet alia, quæ confiteatur, Vel potest dici secundum quosdam, quod ex Decretali prædicta non obligantur, nisi illi, qui habent peccata mortalia, quod patet ex hoc quod dicit, quia debet omnia peccata confiteri, quod de venialibus intelligi non potest... Et hoc etiam ille, qui non habet mortalia, non tenetur ad Confessionem venialium; sed sufficit ad præceptum*

preceptum Ecclesie implendum, ut se Sacerdoti representet, & se ostendat absque conscientiam mortalis esse, & hoc ei pro Confessione reputatur.

ARTICULUS III.

De Satisfactione.

Q. 1. *An & qualem Satisfactionem imponere tenetur Confessor?*

Not. 1. Satisfactione hinc sumitur pro voluntariâ sui ipsius punitione, ad compensandam injuriam Deo per peccatum illatum; duplex est, nemipè Sacramentalis, de quâ hinc agitur; & non Sacramentalis, quæ sit non solum piis ac laboriosis operibus sponte suscepitis, sed etiam malis ac ærumnis hujus virtutæ à Deo inflatis, & patienter toleratis, ut docet Tert. l. 14. c. 9.

Not. 2. Satisfactione Sacramentalis est Pœnitentia seu actio una vel multiplex bona & pœnalis, à Sacerdote judice legitimo imposita ad puniendam ac reparandam injuriam Deo illatum, vel etiam ad præcavendam futuram. Cum autem homini carnali & ad malum propenso opus quodlibet bonum sit pœnale, utpote ejus naturæ corruptæ contrarium; idèo omnis actus virtutis, etiam merè internus, in Satisfactionem imponi potest. Satisfactione Sacramentalis alia est vindicativa, quæ datur præcisè ad præterita peccata viadicanda;

Aa 3

alii